



Na osnovu člana 13. Zakona o kantonalnoj agenciji za privatizaciju ("Službene novine Tuzlansko-podrinjskog kantona", broj 3/97), člana 9. Zakona o privatizaciji preduzeća ("Službene novine Federacije BiH", broj 27/97), poglavlja IV. Uredbe o metodologiji za pripremu programa i izradu početnog bilansa preduzeća za privatizaciju ("Službene novine Federacije BiH", broj 10/98) i člana 3. Uredbe o izmjenama i dopune uredbe o metodologiji za pripremu programa i izradu početnog bilansa preduzeća za privatizaciju ("Službene novine Federacije BiH", broj 26/98), Odluke o utvrđivanju procenta državnog/društvenog kapitala preduzeća za prodaju u velikoj privatizaciji i Odluke o Registru preduzeća za veliku privatizaciju sa pripadajućim kapitalom, Upravnog odbora Agencije za privatizaciju u Federaciji BiH i Odluke Upravnog odbora Kantonalne agencije za privatizaciju Tuzlanskog kantona od 29.09.2000.godine, Direktor Kantonalne agencije za privatizaciju donosi

Rješenje
o odobravanju programa privatizacije i početnog bilansa
preduzeća DOO "VELEPROMET BANOVIĆI" Banovići

Odobrava se program privatizacije DOO "VELEPROMET BANOVIĆI" Banovići, sa sjedištem u Banovićima, JMB 1697145.

Odobrava se početni bilans preduzeća DOO "VELEPROMET BANOVIĆI" Banovići, na dan 31.12.1999.godine sa slijedećom veličinom i strukturom kapitala

Ukupan kapital preduzeća iznosi 519.552,00 KM (100% državni kapital)

Državni kapital u nominalnom iznosu od 519.552,00 KM (100% državni kapital) prodaje se u postupku velike privatizacije metodom javne ponude dionica.

Donošenjem ove Rješenja stavlja se van snage Rješenje o odobravanju programa privatizacije i početnog bilansa preduzeća br. 19/01-021-2807/2000 od 01.04.2000.godine

Obrazloženje

S obzirom da je nakon donošenja Odluke o odobravanju programa privatizacije i početnog bilansa preduzeća od 01.04.2000.godine okončan postupak prodaje imovine u maloj privatizaciji (skladište Oskova) izvršena je korekcija početnog bilansa i programa privatizacije preduzeća.

Saglasno Odluci o utvrđivanju procenta državnog/društvenog kapitala preduzeća za prodaju u velikoj privatizaciji i Odluci o Registru preduzeća za veliku privatizaciju sa pripadajućim kapitalom, Upravnog odbora Agencije za privatizaciju u Federaciji BiH, Direktor Kantonalne agencije za privatizaciju TK je donio Rješenje kao u dispozitivu.

Protiv ovog Rješenja može se uložiti žalba resornom Ministarstvu putem KAP u roku od 15 dana od dana prijema Rješenja.

Žalbu može podnijeti Upravni odbor preduzeća.

Podnosilac žalbe dužan je uplatiti Kantonalno administrativnu taksu u iznosu od 5,00 KM, u korist Budžeta TK na ŽR br. 12200-840-094-2507 (KM).

Broj: 19/01-021-7408/2000
Tuzla: 25.10.2000.



Direktor
Prof. dr. Sejfudin Zahirović